
Protocol

dalla radunonza communal

Gi e temps	ils 9 da december 2020 allas 20.00
Liug	Aula Grava (incl. mesiras da protecziun concept corona)
Presidi	President communal Franz Gschwend
Protocol	Menader administraziun communal Orlando Derungs
Presenza	66 votantas e votants, 3 hosps
Dumbravuschs	Patrik Cavelti e Martina Wolf, elegi cun vusch unanima
Tractandas	<ol style="list-style-type: none">1. Approbaziun dil protocol dalla radunonza communal dils 12.6.20202. Orientaziun davart la planisaziun da finanzas integrala3. Preventiv 2021<ul style="list-style-type: none">- Quen da gudogn e sperdita- Quen d'investiziun- Quen consorzi da scoletta e scola primara scolaviva- Quen consorzi da scola superiura scolaviva- Approbaziun4. Fixar il pei da taglia communal per igl onn 20215. Midada dil project construcziun nova casa da scola Grava6. Comunicaziuns e varia

1. Approbaziun dil protocol dalla radunonza communal dils 12.6.2020

Il protocol vegn approbaus unanimamein.

2. Orientaziun davart la planisaziun da finanzas integrala

a) Orientaziun dil president communal

En consideraziun dallas grondas investiziuns en differents projects ils proxims onns dat il president ina cuorta survesta dalla planisaziun da finanzas entochen igl onn 2029 ed en special dallas investiziuns igl onn 2021 (tuttas cefras da finanzas che suondan en CHF).

b) Survesta generala

- Investiziuns infrastruttura muntan a 4.4 miu. igl onn 2021.
- Il proxim onn dueien la via Pattadiras / Davos Baselgia sco era igl empren tschancun dalla via Murschetg vegnir sanai. Cuosts d'investiziun: 1'673'000.
- Cun la sanaziun dallas vias vegn il medem mument era il conduct dalla calira a distanza tier ils singuls quartiers piazzai el tgierp dalla via.

c) Fermada da bus Riva

- Tenor la lescha dils impedi ein tut las novas ed existentas fermadas da bus resp. cantas dallas fermadas d'exequir senza impediments. La retscherca atras igl uffeci per traffic ha mussau che las fermadas Murschetg, Rancho, Marcau, Demvitg e Riva ein da reconstruir.
- Il proxim onn ei la realisaziun dalla fermada da bus Riva planisada. La suosta da personas sto medemamein venir remplazzada.
- Cuosts da baghegiar 590'000, 60% vegnan subvenziunai atras il cantun, cuosts d'investiziun per la vischnaunca Laax 240'000

d) Cumpletaziun via principala H19

- Igl uffeci da construcziun bassa Grischun planisescha la slargada dalla via principala H19 naven dalla rundella Marcau tochen la cruschada Seehof.
- Cun la sanaziun vegn leutier construiu ina sdrema per velos ed in passapei per liung dalla via. La bifurcaziun Seehof vegn medemamein construida 2021 en duas etappas.
- Ina reducziun dalla spertadad „Tempo 60“ naven dalla rundella Uletsch tochen alla fin dil vitg vegn examinada. Leutier vegn medemamein examinau cun las mesiras da sanar la canera dil cantun ina zona da tempo 30 naven dil Seehof, via Principala - via Falera.

e) Sanaziun luvratori Pardanal

- Il luvratori Pardanal cun onn da construcziun 1983 basegna ina sanaziun (denter auter aspects da segirtad d'ademplier digl inspecturat da lavur). Leutier ei previu da scaffir dapli plaz per magasins per l'infrastructura che crescha dalla vischnaunca.
- Cuosts d'investiziun 335'000 (2022), 265'000 (2023)

f) Provediment d'aua conduct circular Staderas-Murschetg

- La primavera 2020 ei la colligiaziun dil provediment d'aua Laax – Flem vegnida terminada. Per optimar / reduplicar duei il conduct circular che maunca aunc vegnir realisau igl onn 2021.
- Cuosts d'investiziun 260'000

g) Provediment d'aua / dismessa e purificaziun dall'aua Alp Plaun-Lavanuz

- 2021 ei prevediu da realisar l'emprema etappa. Il project preveda la cumpilaziun d'in conduct d'aua e canalisaziun dimensiunaus pli grond sco era lingias dalla Repower dil Plaun a Lavanuz.
- Cuosts d'investiziun 850'000

h) Parcadi Staderas cun tualetta publica

- Els temps dalla sesiun aulta tonschan ils 20 parcadis existents buc. In parcar selvadi el spazi digl uaul ei la conseguenza. Leutier exista in grond basegns per tualettas publicas.
- Il project preveda da dublegiar 2021 ils parcadis sin 38 e da construir ina tualetta publica (cun la resalva dalla lubientscha da runcar digl uffeci d'uaul e prighels dalla natira).

i) Sanaziun scolaviva

- La sanaziun dall'aula e dallas structuradas dil gi, las qualas vegnan piazzadas ella habitaziun dil pedel, ein prevedidas 2021.
- La davosa etappa duei lu succeder 2022 cun la reconstrucziun / igl engrondiment stanza dils scolasts e secretariat da scola.
- Cuosts d'investiziun 720'000 (2021), 350'000 (2022)

j) Informaziun albiert per la giuventetgna wellnessHostel³⁰⁰⁰ e senda da tschemas

- Ils 18.12.2020 arvan il bogn cuvretg ed igl albiert per la giuventetgna tenor termin. La fiasta d'avertura planisada vegn refiersa ord motivs da corona sin la primavera 2021.

- Il fenadur 2020 han las lavurs da construcziun dalla senda da tschemas entschiet. Malgrad il stop da baghegiar sfurzau atras la vischnaunca burgheisa Sagogn, han las lavurs saviu vegnir cuntinuadas. La primavera 2021 succeda la finiziun, aschia che nuot pli duess esser enta peis all'avertura planisada la fin zercladur.
- k) Roland Schegg (directur PwC) resumescha via Skype las pli impurtontas conclusiuns dalla planisaziun da finanzas integrala**
- La planisaziun da finanzas integrala dil tenercasa communal ei vegnius actualisau sin basa dil quen annual 2019, dall'aspectativa 2020 sco era dil preventiv 2021.
 - Influenza ha ina valetaziun actuala dils recavs fiscals e dallas ulteriuras structuradas da recavs e cuosts per 2020 ed ils onns succedents, aschia ch'ina planisaziun da finanzas integrala actualisada seresulta.
 - Ils resultats annuals el quen da gudogn e sperdita restan adina positivs el horizont da planisaziun tochen 2028. La situaziun da recavs semigliura cheusperas denter auter atras recavs ord las investiziuns fatgas.
 - Il capital agen ella bilanza munta a 45 miu. per ils 31.12.2019 (senza finanziaziuns specialas) e crescha tier ina quota intragliauter da 58% (onns da plan 2020 tochen 2028) ils onns suandonts sin 67 miu. (2028).
 - Il program d'investiziun cundiziunescha la recepziun cuntinuonta d'ina finanziaziun jastra, resultond en ina valur maximala planisada da 31 miu. (2023).
 - **Facit: La planisaziun da finanzas integrala muossa sin basa dallas hipotesas tuccadas che tut las investiziuns planisadas ein supportablas.**

3. Preventiv 2021

Orientaziun dil president communal davart:

- Quen da gudogn e sperdita
- Quen d'investiziun
- Quen consorzi da scoletta e scola primara scolaviva
- Quen consorzi da scola superioriura scolaviva

Sut il motto "mantener igl existent, planisar parallel il niev" declara il president detagliadamein las posiziuns dil preventiv cun las pli grondas midadas visavi igl onn vargau.

▪ quen da gudogn e sperdita

Il parsura presenta il preventiv dil quen da gudogn e sperdita per igl onn 2021 che siara cun in surpli d'entradas previu da 165'400. Tier il repassament da detagls vegnan las pli grondas divergenzas tier las posiziuns argumentadas.

Discussiun

Negina

▪ quen d'investiziun

Il quen d'investiziun 2021 preveda tier investiziuns bruttas da 17'735'000 ed entradas da 2'355'000 investiziuns nettas da 15'380'000.

Discussiun

Negina

- **quen consorzi da scoletta e scola primara scolaviva**

Il quen administrativ preveda expensas ed entradas da 2'436'500 per igl onn da scola 2020/21 respectivamein da 3'051'000 per igl onn da scola 2021/22. La cumpart dalla vischnaunca da Laax munta a 368'500 / 547'000 tier la scoletta ed a 902'000 / 1'161'000 tier la scola primara.

Discussiun

Negina

- **quen consorzi da scola superioriura scolaviva**

Il quen administrativ preveda expensas ed entradas dad 1'814'500 per igl onn da scola 2020/21 respectivamein dad 1'661'000 per igl onn da scola 2021/22. La cumpart dalla vischnaunca da Laax munta a 282'000 / 317'000.

Discussiun

Negina

- **Approbazion**

Il preventiv 2021 vegn approbaus unanimamein.

4. Fixar il pei da taglia communal per igl onn 2021

Muort las investiziuns previdas tenor il preventiv approbaus e la planisaziun da finanzas dat ei negin motiv per ina midada dil pei da taglia.

Discussiun

Negina

Tscharna

La raspada suonda la proposta dalla suprastonza da schar il pei da taglia tier 50% dalla taglia cantunala sempli.

5. Midada dil project construcziun nova casa da scola Grava

Il suveran da Laax ha approbau alla radunonza communal dil 13.4.2019 in credit d'obligaziun da 9.9 milliuns per igl engrondiment dalla scola Grava. (segirezia dil basegns da plaz dils affons en scoletta e scola primara). Plan da termin: Finiziun tochen l'entschatta dil tierz quartal 2021.

Cundiziunau atras las protestas smanatschan actualmeins retardonzas temporalas massivas, las qualas caschunassen cuosts supplementars massivs. Cun las protestas menziunadas sefatschenta la dertgira administrativa Grischn ad interim. Cura che quella vegn a prender ina decisiun, ei aviert. Pusseivel fuss era in recuors alla dertgira federala, quei che metess la vischnaunca supplementar-mein sut pressiu da temps.

La scoletta basegna naven da 2021/22 dapli plaz. Tier la scolaviva crescha il basegns da plaz naven da 2022/23 per 6 stanzas da classa. Duessen las protestas enviars il project lubiu retardar talmeins l'entschatta dallas lavurs da construcziun, ch'igl engrondiment dalla scoletta fuss buc prompts igl

uost 2021, stuess vegnir endrizzau provisoris custeivels: Per stanza da classa ed onn presumein nus cuosts supplementars da 100'000.

La suprastanza communal ha perquei examinau alternativs e presentau ils 27.11.2020 als recurrents ina varianta cun in'altezia dils edifecis pli bassa, in tierz tgierp da construcziun ed il concept da traffic appartenent. La rama da cuosts resta nunalterau tier 9.9 miu. Il suveran ha autorisau la suprastanza communal cun conceder il credit 2019 da far midadas che semuossan el decuors dallas lavurs sco necessarias egl interess dall'ovra, aschinavon che quellas surpassan buc la limita dil credit. Ord quei motiv ei ina votaziun per la midada dil project buc necessaria.

Ulteriur proceder: Ils recurrents ston garantir en scret ch'els approbeschan quei project alternativ. Cheutras fuss dau la segirtad da planisar, aschia ch'ei stess a disposizun 2021 localitads sufficientas per la scoletta e naven da 2022 era avunda stanzas per la scolaviva. Tgei che sa buc vegnir realisau entochen il termin previu oriundamein, ei la sanaziun dalla via Grava. La realisaziun vegn planisada pér 2023.

Discussiun

Las damondas davart las proporziuns d'altezia originalas dil project e dil pregiudezi dil prau da skis vegnan rispundidas detagliadamein.

6. Comunicaziuns e varia

Discussiun

Christof Schneller s'informescha sur dil stan en caussa project stan da sittar. Il president declara che las variantas examinadas purtassen aunc negina remadura persistente dalla canera da sittar e deviassen il problem mo en direcziun Sagogn e Falera. Corrispudentamein vegn la realisaziun aunc buc iniziada. Ei vegn elaborau ulteriuras variantas.

Il president engrazia alla fin a biaras e biars da Laax engaschai social che han contribuui els temps difficils da corona 2020 ad ina normalitad e metta il 2021 denter auter sut il motto "agid vicendeivel".

Finizium dalla radunonza allas 21.30

Laax, ils 9 da december 2020


President communal



Franz Gschwend



Menader administraziun communal



Orlando Derungs

